

# Kouman Sekirite Sosyal Ka Ede Ou Lè Yon Manm Fanmi Ou Mouri



Sekirite Sosyal ta dwe resevwa notifikasyon imedyatman lè yon moun mouri. Nan pifò ka, responsab ponp finèb la ap rapòte lanmò moun nan bay Sekirite Sosyal. W ap bezwen founi responsab ponp finèb la nimewo Sekirite Sosyal moun ki mouri a pou li ka fè rapò a.

Kèk manm fanmi moun ki mouri a ka anmezi pou yo resevwa benefis Sekirite Sosyal si moun ki mouri a t ap travay pandan lontan ase anba Sekirite Sosyal pou li ranpli kondisyon pou benefis yo. *Ou ta dwe rete an kontak avèk Sekirite Sosyal toutotan ou kapab pou asire fanmi an ap resevwa tout benefis li ka gen dwa pou jwenn.* Tanpri li enfòmasyon sa yo avèk atansyon pou aprann ki benefis ki disponib.

- Yo ka peye konjwen sivivan an \$255 an yon sèl peman si li t ap viv avèk moun ki mouri a; oswa, si li t ap viv apa, si li t ap resevwa sèten benefis Sekirite Sosyal sou dosye moun ki mouri a. Si pa gen okenn konjwen sivivan, peman an ap fèt bay yon timoun ki elijib pou benefis yo sou dosye moun ki mouri a nan mwa lanmò a.
- Sèten manm fanmi **ka elijib** pou resevwa benefis pa mwa, avèk tou:
  - Yon vèf oswa vèv ki gen 60 tan oswa plis (50 tan oswa plis si li andikape);
  - Yon konjwen sivivan nenpòt laj k ap okipe pitit yon moun ki mouri, si timoun nan gen 16 zan oswa si li andikape;
  - Yon timoun selibatè moun ki mouri a si timoun nan:
    - Poko gen 18 tan (oswa si li gen 18 oswa 19 aneepi li se yon elèv atanplen nan lekòl elementèoswa yon lekòl segondè); oswa
    - Gen 18 tan oswa plis epi li gen yon andikap ki te kòmanse anvan laj 22 zan.
  - Paran ki gen 62 zan ki te depann de moun ki mouri a pou omwen mwatye sipò li; epi
  - Yon konjwen divòse sivivan, nan sèten sikontans.

**Si moun ki mouri a t ap resevwa benefis Sekirite Sosyal**, ou dwe retounen benefis li te resevwa pou mwa li mouri a oswa pou benefis nenpòt mwa ki resevwa sou non li annapre. Pa egzamp, si moun nan mouri an jiyè, ou dwe retounen peman benefis ki fèt pou li nan mwa dawou. Si benefis yo te peye sou fòm depo dirèk, kontakte bank lan oswa lòt enstitisyon

finansyè a. Mande pou yo retounen bay Sekirite Sosyal nenpòt kantite lajan ki te resevwa pou mwa lanmò a oswa pou mwa annapre. Si benefis yo te peye an chèk, pa chanje okenn chèk ki resevwa pou mwa moun nan mouri oswa pou mwa annapre. Retounen chèk yo nan Sekirite Sosyal san pèdi tan.

Men tou, manm fanmi elijib yo ka an mezi pou yo resevwa benefis lanmò pou mwa benefisyè a (moun ki t ap resevwa benefis yo) mouri.

## Kontakte Sekirite Sosyal

Pou plis enfòmasyon ak pou jwenn kopi piblikasyon nou yo, vizite wèbsayt nou nan [www.socialsecurity.gov](http://www.socialsecurity.gov) oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

**Si w bezwen yon entèprèt** pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épí li ka pran yon randevou, si sa nesesè, pou ranpli yon fòm reklamasyon. Nou trete tout apèl yo avèk konfidansyalite. Nou Vle asire tou ou résévwwa sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.

